


R’montêyes au djoû, vnant d’pus 40 ans passés, vla sakants tiesses di djins k’èstîne ène miète di pus ki conchus. Sarîz-v’ co lès



rconèche ? (I gn’a rén à gangnî... djusse po l’plêji ☺)

On saye di continuer à tot comachî...

ÈVOYE POU L’ KABOULÈYE

(10 DI NOVIMBE 2 001)



?

Vêci : Asteure ki l’ Sabena a volé dsu s’panse, on ramoncèle dès caurs pou rlançer ène soce ki poréve s’mète à voler avou lès coleûrs dèl Bèljike. Lès bankes èt dès djins come Dèvignon èt Lîpèns s’mètenut èchène po-z-ariver à ène sakwè d’capâbe d’afronter lès nûlêyes. C’èst drole, mins la-ddins i m’chène k’ène sakî manke.

*

L’èst vrê k’on n’pout nén todi djouwer aus mas èt risquer d’lès piède si on n’a nén ène tchance di gagnî. Djouwer à colon vole n’èst nén atirant po tèrtos.

*


D’on ôte costé, po lès cias k’n’auront wêre à mougni i dmèra todi à bwâre : nosse grand Frère a dins s’potche l’ mitan do célèbe vin d’ Sint Èmilion “Tchèstia-Blanc-Tchvau”. L’tot èst d’sawè s’i gn’ara d’pus d’on vêre po chake.

*

D’ostant k’on saît pus bén èvou èt comint s’k’on vike. L’ “PICRON”, k’èstève bén walon èt k’avéve ènondé SPIRÛ, èst divnu Suwêdwès èt fièstêye sès ans avou TÈNTÈN. Dji n’sé pokwè, mins ça m’fait mau.

*

D’on ôte costé, on aprind k’on miyardaîre bèlje cache après ène comère d’ Corêye po rêwèyî



sès amoreus richandichaedjes. Dsus s’ CV, i mèt k’il èst mwinrneû d’ène banslêye d’ soçes, k’i monte voltîye lès tchvaus, fé do batia vwèle au vént, rider dsus l’ nîve èt djouwer à l’bale avou ène rakète à traus. Dins lès sèptantes ans bén bomés, i richèneréve à Djan Gabèn èt èst prèsse à dner on éfant à l’ cine k’i va chwèzi.

Por li, ki n’vout nén s’lomer, lès feûmes d’amon nos autes n’sèrîne nén à s’goût d’assèz d’ paujère biaté èt sins mistère (!). V’la co dès drwèts d’ èritâdje ki vont nos manker dins l’ boûsse di l’Ètat.

*

Tot cauzant d’ vin, ça m’rimimbère ki nosse Djak Mèrci dijéve l’ôtrayîr dins l’ Lîbe ki l’ mo “vintage” k’on pou lîre dsus lès botêye d’bon wisiki vout dire : “vendange, rècolte èt anêye”. Por li “guranteed vintage” c’èst “lomâdje controlé”. I m’chène ki “vintage” èst tot bièssemint l’ mwê sicrfjâdje inglès di “vin d’ âge”. On wisiki “vintage” a d’pus k’ cink ans d’ âdje. Au pus ví, au pus mia, niwô?... c’n’èst nén come mi ki, parètréve...

*

*Volèz-v’ ki dj’vos tchante
Ène tchanson bén avnante ?*

*On vilin nèl fit mauy
Mins l’a fait on tchivalî
Aus pîd d’on olivî
Sins ki l’ comère bauye.
Moussie d’ène fine tchmisète,
D’ène cote bén propète.
S’ blanc divantrin,
Sès tchausses di swè,
Dès solés bén strwèts,
Mannèt nérin.
Si cinke di fouyes,
Sès bias ouy,
Sès botons aurés,
S’boûsse plinne d’ amoûr
Prèsse po lès mamouîrs,
I s’a dauré.*

On saye di continuer à tot comachî...